

#قضايا_منهجية قضية الإيمان والكفر 12 | تابع .. العذر بالجهل |

د. بهاء سكران

بهاء السكران

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا وسيئات اعمالنا من يهدي الله فلا مضل له. ومن يضل فلا هادي له. واشهد ان لا اله الا الله وحده لا شريك - [00:00:03](#)

واشهد ان محمدا عبده ورسوله. صلى الله عليه واله وصحبه وسلم. وبعد فان اصدق الحديث كتاب الله تعالى. واحسن الهدي هدي محمد صلى الله عليه واله وسلم. وشر الامور محدثاتها - [00:00:23](#)

وكل محدثة بدعة. كل بدعة ضلالة. وكل ضلالة في النار ثم اما بعد. ما زلنا مع اه كتاب عقيدة اهل السنة السنة والجماعة في مسائل الايمان والكفر. لفضيلة الشيخ ياسر برهامي حفزه الله. بنتكلم عن - [00:00:43](#)

الفصل الثالث من الباب الاول. اللي هو اتكلم عن مسائل التكفير. اتكلمنا عن المسألة الاولى. شروط لا اله الا الله نواقض لا اله الا الله. وبعدين المسألة آ الثانية تكفير المسلم المعين. وموانع - [00:01:03](#)

التكفير والكلام عن شروط وموانع التكفير وافراد العذر بالجهل التوسع والاستفاضة وصلنا لنقلات عن آ اهل العلم في العذر بالجهل والنقلات عن شيخ الاسلام ابن رحمه الله واخر نقل وصلنا له عند الشيخ الاسلام ابن تيمية في صفحة مية اربعة وعشرين. وقال رحمه الله والتكفير هو من - [00:01:23](#)

الوعي لانه هيترتب عليه ايه؟ هتترتب عليه الحكم بالكفر اللي هو يترتب عليه في الآخرة ايه؟ آ دخول النار فانه ان كان القول تكذيبا لما قاله الرسول صلى الله عليه وسلم لكن قد يكون الرجل حديث عهد باسلام. او نشأ ببادية بعيدة - [00:01:53](#)

ومثل هذا لا يكفر بجحد ما يجحده حتى تقوم عليه الحجة. يبقى هيقول مين اللي بيقول نسوي بين الميراث في مين اللي بيقول ان الميراث للذكر مسل حظ الانثيين؟ هو بيقول ان ده ما ينفعش. طيب - [00:02:17](#)

وبعدين ده ما ينفعش هو ما يعرفش لانه حديث عهد الاسلام. فلو هو كان حديث عهد الاسلام مع ان الكلام اللي بيقوله ده يعتبر ايه؟ مش يعتبر فعلا تكذيب للنبي عليه الصلاة والسلام. لما هو نقول له بقى ايه لأ ده فيه آيات بتقول كذا وكذا لانه حديث العهد الاسلامي نقوم نفهمه يقول وقد يكون الرجل - [00:02:37](#)

تلك النصوص او سمعها ولم تثبت عنده او عارضها عنده معارض اخر اوجب تأويلها. يبقى هو كده بيوجب اعزاز اللي هي بتجاوب لك على سؤال بييجي في ذهنك دائما. هو ايه اللي يخلي امام من الائمة يغلط؟ في مسألة من المسائل. صيام بقى من المسائل - [00:02:57](#)

الاصول العقائد او الفروع المسائل الفقهية. وابن ابن تيمية رحمه الله له كتاب جميل. مش كبير يعني كتيب كده اسمه رفع الملام عن الائمة الاعلام. ايه اللي خلي حد من اهل الفضل واهل العلم والائمة يغلط يقول لك اول حاجة - [00:03:17](#)

انه لم يثبت عنده ايه؟ نص في المسألة. ما يعرفش ما هو تقول يعني امام كبير ما يعرفش. سبحان الله! سبحان الله عز وجل ليس هناك احد احاط بكل السنة ولا بكل المرويات. طيب او انه يكون وصله الدليل - [00:03:33](#)

لكنه ايه؟ يعني سبت عنده هذا الدليل لكن عارضه عنده معارض سبت عنده الدليل بس عنده دليل ثاني غير كده. زي الامام مالك كده مسلا رحمه الله بيروي الحديث بتاع البيعان بالخيار ما لم يتفرقا. هو اللي بيرويه ومع ذلك - [00:03:51](#)

ما ييقولش بموجب الحديث. طب ايه اللي يخليه ما يقولش بموجب الحديث ده؟ مع ان هو اللي بيقولوه لي اهوت. ان سبت عنده دليل تاني. عنده مسلا من ادلة المالكية عمل - [00:04:11](#)

اهل المدينة او غيرها بقى من الادلة اللي تخليه يعرف حاجة زي كده. طيب او سبت عنده الدليل وما لوش معارض بس ربنا سبحانه وتعالى ما فتحش عليه انه يفهمه ايه - [00:04:21](#)

الفهم ده انه يفهموا الفهم ده. ما فهمش كويس منه. سبحان الله برضه. بيقول وان كان مخطئا يبقى عرضه عنده معرض اخر او تأويله ان كان مخطئا وكنت دائما اذكر الحديث الذي في الصحيحين في الرجل الذي قال اذا انا مت فاحرقوني سم - [00:04:31](#)
سم زروني في اليم فوالله لان قدر الله علي ليعذبني عذابا ما عذبه احد من العالمين ففعلوا به ذلك فقال الله له ما حملك على ما فعلت؟ قال خشيتك فغفر له - [00:04:51](#)

فهذا رجل شك في قدرة الله في اعادته اذا ذري. بل اعتقد انه لا يعاد. كان غالب على ظنون ربنا مش هيجيبه اصلا وهذا كفر باتفاق المسلمين. لكن كان جاهلا لا يعلم ذلك. وكان مؤمنا يخاف الله ان يعاقبه. فغفر - [00:05:11](#)
قاله بذلك وقال شيخ الاسلام ابن تيمية في الرد على البكري ولهذا كنت اقول للجهمية من الحلولية والنفاة الذين ينفون ان يكون الله تعالى فوق العرش. انا لو وافقتكم كنت كافرا - [00:05:31](#)

لاني اعلم ان قولكم كفر. وانتم عندي لا تكفرون لانكم جهال. يبقى ابن تيمية رحمه الله بيحكم ناس بينسبوا العلم خلي بالك. بيحكم ناس بينسبوا لايه؟ للعلم. اللي قاضي واللي واحد من اه العلماء لكن - [00:05:51](#)
آآ هو مع انهم عندهم علم لكن عندهم آآ ضلال في مسائل معينة او جبهة لهم الفهم الخاطي للادلة او وجود المعارضة عندنا ونبقى ايه انا لو قلت بالكلام بتاعكم ده لو انا قلت بالكلام بتاعكم ده اكفر لكن انتم - [00:06:11](#)

عندي جهال جوهلي عندهم آآ تعارض في الادلة وعدم استبانة ووضوح في المسألة. وعدم استبانة وعدم وضوح في المسألة. طبعا الرد على البكري ده اللي هو كتاب الايه؟ الاستغاسة بتاع ابن تيمية رحمه الله. وهو مليء بالفوائد ومن الانفعال - [00:06:31](#)
حاليا في المرحلة اللي احنا فيها ديت اللي فيها يعني آآ نشر الباطل تحت فتاوى شرعية لادارة وغيرها مسألة الايه؟ آآ دعاء غير الله الاستغاسة بغير الله وآآ افتاء الناس بهذا الضلال. فالكتاب ده مفيد في - [00:06:51](#)

وايه المسألة دي؟ بيقول الشيخ رحمه الله حفظه الله وبهذا وبهذه النقول الواضحة. وبهذه النقول الواضحة عن شيخ الاسلام ابن تيمية وفي مسائل من اصول العقيدة وفي توحيد الالهية والاسماء والصفات تعرف خطأ. من قال - [00:07:11](#)

الا ان العذر بالجهل مقصور على المسائل التي قد تخفى. مسل مسائل المعاملات وبعض شئون الصلاة. طبعا هو الكلام ده اه اه بيقولوا اه هتلاقي بقى وجود للفقهاء كلام من هذا القبيل اللي هو ايه؟ ان العذر يكون في المسائل التي تخفى. انت عارف - [00:07:31](#)
يقصدوا بها ايه؟ يقصدوا بها ان ما اشتهر علمه بين العامة والخاصة. او كان معلوم من الدين بالضرورة. مش هيعزر فيه الا بايه؟ بقليل. وده اللي احنا قلنا قبل كده. اذا كان - [00:07:51](#)

لقدامي لما قال حكم من جحد وجوب الصلاة. قال ما فيش حاجة اسمها صلاة. لو كان في وسط ديار الاسلام الاصل احنا هنحكم عليه بايه؟ بالكفر. ليه لانها مسألة زاهرة. معلومة من الدين بالايه؟ بالضرورة. فمسألة بقى ايه الزاهر وايه الخفي ديت؟ دي اللي فيها ايه؟ دي اللي فيها كلام - [00:08:01](#)

تلاقي بعض الناس تجيب كلام ابن قدام بعض الناس يجيب كلام لابن لجيم الحنفي في اشباه النزائر وعبدالناس يجيب كلام للسيوطي في الاشباه والنزائر برضو وغيرها فالكلام اللي الفقهاء خدوا في سياق وكامل. يعني اقرا الكلام كله على بعضه. هيتضح لك ايه المقصود به. بلاش الاجتزاء. بيقول وكذلك من يجعل الناس - [00:08:21](#)

في مجاهل افريقيا ونحوها ممن دخل في الاسلام. واتى بشيء من هذه الشريكات معزورا بمعنى ان حكمه حكم اهل الفترة الذين يمتحنون في القيامة. الشيخ بيقول فالظاهر بل المنصوص عليه من كلام اهل العلم التفرقة بين - [00:08:51](#)
من دخل في الاسلام وصدق الرسول اجمالا وبين من لم يدخل فيه اصلا ممن لم تبلغه الدعوة. فالاول عنده اصل الايمان والثاني كافر

معذور لعدم بلوغ الرسالة. ودي نقطة مهمة. احنا قلنا الكفر معناها ايه؟ فاكربين لما قلنا تعريف الكفر؟ قلنا الكفر هو ايه؟ عدم الاسلام.

مش كده؟ يعني - [00:09:11](#)

ما فيش عندنا حاجة وسط. هو يا مسلم يا ايه؟ يا كافر. طيب. واحد في الدنيا ما بلغوش خبر الرسول صلى الله عليه وسلم فما دخلش في الاسلام. هيبقى حكمه ايه؟ كافر. واحد يبقى صعبان عليه يقول لك ايه؟ بس هو صح هو اسمه كافر بس ايه؟ معذور. كافر

ايه؟ معذور - [00:09:31](#)

ده هيكون مصيره ايه؟ في جنة ولا في نار؟ ده في من اهل الامتحان يوم القيامة. ده من اهل الايه؟ الامتحان يوم القيامة. ما اجيش انا بقى على مسلم دخل في الاسلام شهد الشهادتين ودخل في الاسلام. لكنه عايش في بيئة مليانة بالجهل. زي هو ضرب مسال بايه؟

مجاهل افريقيا. وليس - [00:09:51](#)

هناك عند من ينهبه على الاخطاء ولا المؤشرات وغيرها. وقع في مسألة من مسائل الشرك. زي ما ابن تيمية ضرب لنا مسال وزكرناه

في النقل في الدرس اللي فات في مين - [00:10:11](#)

قال لك حدساء العهد ممن اسلموا من التتار. من اهل التتار اللي كانوا جاييين معهم ايه؟ اصنام صغيرة كده واوسان صغيرة يتبركوا بقى ما يعرفوش ان دي في حرب اصلا خلاص وحدس عهد. فده بقى هنقول حكمه ايه؟ حكمه ان هو معذور بجهله. في الكفر. طيب

هل - [00:10:21](#)

حسب لو هو فرط في العلم الواجب عليه واللي يلزمه فرط في تحصيله قصر فيه. ساعتها يبقى ازور بالاياه؟ اه ليس اه معزورا في في الاسم. يبقى معذور بالجهل في الشرك لكنه ليس معذور في الاسلام. طب هو لو ما يعرفش وما خطرش في باله وما قصرش في

الواجب - [00:10:41](#)

مكتوب عليه بالعلم هيبقى حكمه ايه؟ معذور في ده ومعذور في ده. طيب بيقول فالاول عنده اصل الايمان. قال الشهادتين ودخل في الاسلام. والساني كافر مع لعدم بلوغ الرسالة. وقد اوضحنا ان خفاء الامور وظهورها وظهورها امر ايه؟ نسبي. ولا نقصد بان هذا ولا

نقصد بان - [00:11:01](#)

هذا الامر نسبي ان كل الامور كذلك. بل هناك ما يقطع كل احد من انتشاره بين المسلمين. والزي لا يقبل دعوى الجهل فيه الا بقريئة كما اوضح لسه ضاربين المسال بايه؟ بالكلام عن انتشار حكم الصلاة وجوب الصلاة وحرمة الزنا. عشان كده احنا اما قلنا في درس امبارح

لما اقول - [00:11:21](#)

قلنا اللي يقول ان المساكنة. المساكنة ديت يعني الزنا لا مؤاخزة. المساكنة دي يعني الزنا اللي يطلع يقول ان الزنا اللي المساكنة وان اتنين يعيشوا مع بعض عيشة الازواج بدون زواج لا شيء فيه. وان ده امر حرية شخصية ولا يخضع للحلال والحرام. قلنا ان الكلام -

[00:11:41](#)

ده في مجتمعنا ايه ده؟ ده ايه؟ ردة. ليه؟ لان الحجة قائمة بها على كل احد. امر انتشر علمه بين العام والخاص. والعامي والجاهل وبين العالم وطلبة العلم. ده معلوم بالضرورة. في الواقع اللي احنا فيه ده. عشان كده بقول اهو لا يقبل فيه دعوة الجهل - [00:12:03](#)

بقريئة بقى لو واحد قال انا ما كنتش اعرف الكلام ده. ما كنتش اعرف ان المساكنة دي حرام فعلا وبيدعي الجهل. شوف كلمة بيدعي الجهل. ده لو احنا في دولة بتطبق الشرع - [00:12:23](#)

هنقولو تعالى مجلس القاهرة ايه ايه اللي يدل علينا الجاهل؟ ايه القرين اللي تدل علينا الجاهل؟ ايه الحاجة اللي تخلينا لكن ما جبش قرين؟ ما فيش قرار تدل علينا انه جاهل يبقى الاصل في الظاهر - [00:12:33](#)

حكمه ايه؟ ان هو قتلت. طب نعمل فيه ايه؟ نقول له تب يستتاب. طب انت عرفت؟ تب بقى وصلت كده يا اخوانا ولا ما وصلتش؟ طيب يقول فمن كان ناشئا اليوم في بلادنا. ثم جحد وجوب الصلاة مثلا. او قال - [00:12:43](#)

قال عن احكام الاسلام انها من نفايات القرون الوسطى الوحشية. او قال بحل الزنا. شف سبحان الله عن الكتاب ده مكتوب في في كتاب فضل غني الحميد من اوائل التسعينات. يعني الكتاب ده تجميع لكلام الشيخ اصلا. الكلام ده من اوائل التسعينات. يعني من

خمسة وعشرين سنة - 00:12:57

ابو الاربعة وعشرين سنة. او قال بجل الزنا والخمر. فلا شك في رده من ساعته وقتي لان الحجة بمسل هذا قائمة على كل احد. وهكذا

مسائل عبادة القبور في بعض - 00:13:15

بلاد كالمملكة العربية السعودية لان هذه الامور انتشارها بلا شك لا شك فيه. وبرضو السعودية مش كلها حاجة واحدة. ما فيها اماكن السعودية فيها اماكن الى اللحظة اللي احنا فيها ديت ما دخلتهاش المدنية خالص وعايشين على الوضع الاول تماما اللي هو

ايه اللي - 00:13:34

وعى والجري في الصحراء كده. هتقول ايه بقى ؟ المهم العبرة هنا بانتشار المسائل وان كان الامسلة ديت ايه ؟ هيبقى فيها كلام. فهو بيقول مسائل عبادة القبور في بعض البلاد كالمملكة العربية السعودية. لان كان بيعملوا ايه ؟ كانوا بيخلوا اللي يقرأوا على الناس كتاب

التوحيد بتاع الشيخ محمد ابن عبد الوهاب - 00:13:54

في المساجد وكانوا يفضلوا وراء الناس يحفظوهم حتى ما بيعرفوش يقرأوا يكتبوا بيسموهم الشيبان. الشيبان الناس الكبيرة في السن. يقعدوا يحفظوهم كتاب التوحيد. فعشان كده لما يجي حد يقول لي واحد من عوام الناس كده خالص المصريين دايمًا عندهم

الحكاية الحلفان بايه ؟ والنبي صلى الله عليه وسلم. فلقوا حد هنا يقول والنبي - 00:14:14

موش طالب علم مع واحد عادي خالص. طيب بيقول آ كان المملكة العربية السعودية لان هذه الامور المنشغلة لا شك فيه. واما في

كسير من بلاد المسلمين اليوم فينتشر الجهل - 00:14:34

والتلبيس بالباطل شف الكلام الجميل ده ضبط كويس جدا. والتلبيس للباطل من علماء سوء. هو يبقى مفتي ودار افتاء هيئة رسمية وصفحة لهم رسمية بتطلع الفتاوى دي. طب ما هو ده فعلا بيعمل ايه ؟ بيعمل تشوش عند الناس. لما يبقى واحد اوتي العلم والجدل -

00:14:44

انطق والقدرة على البيان زي علي جمعة ويطلع في برامج اكثر من برنامج تليفزيوني. وقناة واتنين وثلاثة ويطلع يتعمل عليه فوكس ويتعمل عليه آ تركيز كبير عشان يكلم الناس فيضل الناس لانتشار الجهل والتلبيس بالباطل من علماء سوء على العوام وخاصة في

مسائل - 00:15:04

القبور. ايه مسائل القبور ديت ؟ النزر للمقبورين. النزر للموتى والنزر في الاضحية. زي عند السيد البدوي بيطلعوا يقولوا ان ده من القربات الاستغاسة الدعاء الطواف بهزه القبور وغيرها. بيقولوا ان دي من الامور المشروعة. ويقولوا ان اللي بيقول اشفيني وارزقني -

00:15:24

ده ده مجاز يعني يقصد يا رب. ازاى بس ! ده بول يا بدوي ! ازاى يقصد يا رب ! ومسائل الحكم بالشرعية. اه ان يقول لك في ناس في

مسألة الحكم شعبة التلبيس لهم بقى - 00:15:44

كده. المسلك الاول يقول لك الشريعة مطبقة اصلا. مين اللي قال لك كده مش مطبقة ؟ يعني انت شايف ان الشريعة مطبقة ؟ يعني

القانون كذا والقانون اه يقول لك هي مطبقة. وعامة الناس ممكن ايه ؟ ما يعرفوش ان انا اشوف دي - 00:15:57

واحد تاني عنده مسلك يقول لك الشريعة احنا عاجزين عن تطبيقها. تطبيقها يحتاج الى كذا والى كذا ويحتاج عشان بس ايه احنا

عندنا قضية كاملة هندرسها ان شاء الله مع بعض اسمها قضية الحكم بقى ايه - 00:16:07

بما انزل الله. دي عشان بس ايه ما نتفرعش فيها. المهم بيقول ونحو ذلك مما لا يشك فيه من خالط هؤلاء الناس. فلا يمكن تكفير

عيانهم حتى تبلفهم الحجة الرسالية. التي يكفر منكرها. فاكربن لما اتكلمنا عن الحجة قبل كده ؟ قلنا فيها ايه - 00:16:17

اكيد لما اتكلمنا عن عن مسألة الحجة. وقلنا ان قيام الحجة فيه شرطين. الشرط الاول الوجودي اللي هو فهم الحجة اللي هو فهم

الحجة ان تصل اليه الحجة بطريقة يفهمها - 00:16:37

مسله والشرط الثاني العدم اللي هو انتفاء الشبهة تنتفع عنه الشبهة يبقى يفهم الحجة بطريقة يفهمها مثله وتنتفي عنه الايه ؟ الشوهة.

طيب بيقول آ قال الشيخ اسامة ابن تيمية رحمه الله في كتاب الايمان وهؤلاء يعني معهم ايمان مجمل يثابون على اسلامهم

واقرارهم - 00:16:52

بالرسول مجملًا وقد لا يعرفون انه جاء بكتاب. شف ابن تيمية هيفترض معنا مسألة من اصعب ما يكون. ان حد وصل انه اسلم وقال اشهد ان لا اله الا الله وان محمد رسول الله. وما يعرفش ان النبي انزل عليه كتاب اسمه القرآن صلى الله عليه وسلم. واذا وآ لا يعرفون انه جاء بكتاب وقد لا يعرفون - 00:17:16

انه جاءه ملك اللي هو جبريل عليه السلام ولا انه اخبر بكزا واذا لم يبلغه ان الرسول صلى الله عليه وسلم اخبر لذك لم يكن عليهم الاقرار المفصل به. ولكن لابد من الاقرار بانه رسول الله. صلى الله عليه وسلم وانه صادق في كل ما يخبر به عن الله - 00:17:36 الكلام ده قاله في كتاب الايمان آ الكبير. فانظر اخي الكريم كيف افترض شيخ الاسلام هذا الفرض البعيد للغاية كمسل يقول لك العذر في مسائل الايه؟ الخفية والعزيمش في المسائل الزاهرة هو في ازهر من ان النبي صلى الله عليه وسلم انزل عليه القرآن؟ عشان بس تبقى عارف ان - 00:17:56

المسألة مردها لايه؟ بيقول فانزر اخي الكريم كيف افترض شيخ الاسلام هذا الفرض البعيد للغاية الذي لا يكاد لا يكاد يوجد حتى في الكفار وهو عدم معرفة بنزول جبريل عليه السلام او بوجود القرآن. فضلا عما يحتويه من العقائد والاعمال. فاخبر ابن - 00:18:16 ان من اقر مجملًا انت عارف يعني ايه مجملًا؟ يعني قال اشهد ان محمد رسول الله. وصدقه وقال ده رسول من ربه صادق في كل ما يخبر به. بس ما يعرفش - 00:18:36

جا له كده. قال وصدقه يثاب على ذلك. وقال ايضا وكذلك سائر الثنتين والسبعين فرقة اللي هم جم في الحديث حديث معاوية رضي الله عنهما ايه؟ افتقرت اليهود على احدى وسبعين فرقة وافتقرت النصارى على سنتين وسبعين فرقة وستفترق امتي على - 00:18:46

سنة وسبعين فرقة كلها في النار الا واحدة. قال ومن هو الجماعة؟ او في رواية ما عليه اليوم واصحابه. يبقى الاتنين وسبعين فرقة اللي في النار دولت. بيتكلم عنهم ايه بقى - 00:19:06

من كان منهم منافقا فهو كافر في الباطل. اللي منهم زنديق وعارف ان هو يبخالف دين الرسول عليه الصلاة والسلام ويبخالف اصول الاسلام وبيدعي ان انا مسلم وهو يبضل الناس زي بعض ايه؟ الناس الشيعة زي بعض الناس اللي هينتسبوا للجهاز - 00:19:16 او للمعتزل او لغيرهم. بعضهم اقول بعضهم هيبقى هو في الحقيقة ملحد زنديق عنيد. بس ما بيزهرش كده. ما بيقولش انا ملحد. بيزهر ان هو عنده على الدين بس عمال يهدم في الدين. بيقول واه كان كافرا في الباطل. ومن لم يكن منافقا بل كان مؤمنا بالله - 00:19:36

ورسوله في الباطن. يجد بيشهد الشهادتين فعلا. ومؤمن ان محمد رسول الله صلى الله عليه وسلم فعلا. بيقول لم يكن كافرا في الباطن. يعني عند الله. وان اخطأ التأويل. حتى لو قال كلام زي الهباب زي بتوع المعتزلة كده. بان بينفي الرؤية وبيقول ان القرآن بيقول بلاوي البلاوي زرقا - 00:19:56

والقرآن مخلوقه ايه؟ بيقول لم يكن كافرا في الباطن. وان اخطأ التأويل. كائنا ما كان خطأه. وقد يكون في شعبة من النفاق ولا يكون فيه النفاق الذي يكون صاحبه في الدرك الاسفل من النار. تمام؟ عشان كده احنا بنقول الفرق النارية دول مش مخلصين الاصل مش مخلصين في النار على فكرة - 00:20:16

اصله مش مخلصين في النهر. ده نقل الاجماع على كده مين؟ الشاطبي رحمه الله. وابن تيمية الاتنين. ابو اسحاق الشاطبي في الاعتصام. وابن تيمية. في الموضع من كتاب والفتاوى بيقولوا عشان كده سموه عشان كده لما تيجي تتكلم عن فرقة زي البهائية يقول لك ايه ده مش من الاتنين وسبعين اصلا ده انت لو هترقيه - 00:20:36

يعني انت لو عايز تنقيه تدخله في الاتنين وسبعين فرقة نارية. ايه؟ لان هم من فرق الامة. اما ده مش ده مش منهم اصلا. زي الباطنية دروز يقول لك مش من اتنين وسبعين اصلا. دول زي اليهود والنصارى كده مش داخليين في اتنين وسبعين فرقة اصلا. خلاص يا اخوانا؟ بيقول اه طيب امال ليه الناس - 00:20:56

فرق نارية ليه بقى لأ طالما ان هم عندهم ايمان مجمل بالنبي عليه الصلاة والسلام ايمان صحيح عندهم تأويل ليه بقى هيدخلوا هيبقوا من اهل النار لان هم في الحقيقة اتبعوا اهواءهم. ما عهمش متمسكات وادلة. تخليهم يضلوا الضلال ده - [00:21:16](#) يعني بتاع المعتزل اللي بيقول القرآن مخلوق يقول لك ايه اصل ده ربنا بيقول انا جعلناه قرآنا عربيا. طب ايه انا جعلناه ايه؟ طب ربنا قال اجعل اجعل الالهة الها واحدا ان هذا شيء يبقى خلق الالهة اله واحدا. هو في ايه؟ ده مش متمسك دي شبهة مش دليل. وتعرض عن دية بقى - [00:21:36](#)

وتتمسك بالشبهة دي اللي هي مش دليل في الحقيقة. وتعرض عن الكلام الواضح وان احد من المشركين استجارك فاجره حتى يسمع كلام الله وكلام الله زي سمع الله زي بصر الله. ايه صفة وغيرها بقى من الالهة؟ من الادلة الواضحة جدا. فهو اتبعه - [00:21:56](#)

عشان كده السلف كانوا بيسموا اهل البدع دول اهل الالهة؟ الالهة. لان هو ما عندوش دليل يمسك فيه. امال عنده ايه؟ عنده هوى. عشان كده بيذم ويبدع ويفسق ويحكم عليه بانه منين؟ من اهل النار. خلاص يا اخوانا كده؟ بيقول الى قوله بل قلبه - [00:22:15](#) لازم انه اي الرسول صلى الله عليه وسلم لا يخبر الا بصدق. ولا يأمر الا بحق سم يسمع الاية او الحديث او يتدبر ذلك او يفسر له معناه او يظهر له - [00:22:35](#)

الوجوه فيصدق بما كان مكذبا به. ويعرف ما كان منكرا وهذا تصديق جديد وايمان جديد. ازداد به ايمانا انا ولم يكن قبل ذلك كافرا. بل جاهلا اي بل كان جاهلا. يبقى لما واحد يتقال له الاية بتقول بيقولوا فيه ايه - [00:22:45](#) ايه رأيك في اسم الله الموكلي؟ تقول لك الموكيت ايه؟ انت بتألف؟ هو فيه اسم لربنا اسمه المقيت؟ يبقى هو انكر ايه دلوقتي؟ الاسم ده سابت على فكرة في القرآن بس ما يعرفش - [00:23:05](#)

توتة بتاعة كده افتح سورة النساء كده شف وكان الله على كل شيء مقيتا ولا لا؟ استغفر الله امنت بالله فعلا فيه طب يعني ايه بقى؟ تقول له المقيد يعني اللي بيقدرا الاقوات او اللي هو الشهيد او تقولوا اسماء الالهة؟ اسماء بتفسير اسم الله المقيم - [00:23:15](#) امنت بالله. هو ابن تيمية بيقول لك بقى هو دلوقتي صار عالما بالمسألة وكان قبل ذلك جاهلا ولم يكن كافرا. قبل ما يعرف دي صح كده ولا مش صح؟ فهما بقى الفرق - [00:23:35](#)

بيقول وهذا تصديق جديد وايمان جديد ازداد به ايمانا ولم يكن قبل ذلك كافرا بل كان ايه؟ جاهلا. بردو ان الناس اللي ضببت مسائل الايمان والكفر بطريقة جيدة بالزات مسألة العز الجاية دي ابن الحزم. في كتاب الفيصل في الملل والاهواء والنحل. بيقول - [00:23:51](#)

ذهبت طائفة الى انه لا يكفر ولا يفسق مسلم بقول قاله في اعتقاد او فتية. وان كل من اجتهد في شيء شيء من ذلك فدان بما رأى انه الحق فانه مأجور على كل حال. ان اصاب الحق فاجران. وان اخطأ فاجر واحد - [00:24:11](#) وهذا قول ابن ابي ليلى وابي حنيفة والشافعي وسفيان الثوري وداوود ابن علي رضي الله عنهم جميعا. وهو قول من عرفنا له قولا في هذه المسألة من الصحابة رضوان الله عليهم جميعا لا نعلم عنهم في ذلك خلافا اصلا. طبعا ابن حزم اختلف معه - [00:24:31](#) بتختلف لانه من الظاهرية. لكن ابن حزم من اكثر الابواب اللي هو ما تعرفش تجاريه فيها ابواب الالهة؟ الاستدلال بالادلة. لان هو اصلا المذهب الظاهري مبني على ايه؟ على استدلال بظاهر الادلة. فعشان كده كتابه بتاع الفقه المشهور اسمه ايه؟ المحلى بالاثار. اسمه ايه؟ المحلى بالاثار - [00:24:51](#)

يعني ابن حزم اكثر حاجة بيعملها انه يحشد ايه؟ ادلة سواء من الكتاب العزيز او من السنة او من اسار الصحابة رضوان الله عليهم. فلما يقول لك وهو قول من عرفنا له قولا في هذه المسألة من الصحابة؟ يعني ايه ما عرفنا قوله؟ يعني الصحابة ما تكلموش في المسألة. كل اللي اتكلموا فيها من - [00:25:11](#)

الصحابة قالوا كده. ولا نعلم عنهم في ذلك خلافا اصلا. الكلام ده له قيمة يعني. له قيمة. اما يطلع من مين؟ من مسل ابن حزم. الا ما زكرنا من اختلافهم في - [00:25:31](#)

تكفير من ترك صلاة متعمدا حتى خرج وقتها. او ترك الزكاة او ترك الحج. او ترك صيام رمضان او شرب الخمر. شرب الخمر عشان
الحديس اللي فيه انه ان شربها في الرابعة فايه؟ فاقتلوه. وهو يحذف الاولى سم يحذف التانيس ويحذف السالسة سم في -

00:25:41

تأويلهم للحديث ده ايه؟ طبعا انعقد الاجتماع بعد كده على ان تارك الخمر ان شارب الخمر ومدمن الخمر ليس ايه؟ بكافر. وان القتل ده
هنا ايه؟ يبقى تعزير وبعض العلماء زي الترمزي يقول لك وليس على هذا الحديس هذا الحديس ليس عليه العمل عند اهل العلم.

00:26:01 وغيره بقى لكن الشاهد من الكلام هنا -

هو عايز يتكلم في مسألة الايه؟ مسألة آآ العزr بالجاهل. طب كده ما ينفعش يقول وزهبت طائفة لان دول في الحياة مش طائفة. ده
دول مين؟ ده دول قل اهل السنة دول اهل الاسلام. مش كده؟ يبقى كلمة طائفة ديت مش الطائفة دي تتقال للي هيخالف السواد

00:26:21 الاعظم. لكن لو انت هتنقل مسألة عن -

الصحابة كلهم ولا تعلم فيها خلافة بين خلاف بين الصحابة. هو قول من علمت له قولاً في هذه المسألة. وده قول الشافعي واحمد وابن
ابي ليلى وابي حنيفة وغيرهم فما ينفعش نقول ايه؟ دي طائفة. ابن حزم بقى جاب مسألة اغرب من اللي قالها جابها ابن تيمية. غريبة

00:26:41 جدا وبعيدة جدا جدا -

جدا. بس هو قاعد باسمها ديت توليد المسائل او تفريع المسائل من باب الاسراء الذهني. بيقول وكذلك من قال ان ربه جسم. الله عز

وجل تعالى الله عز وجل عن ذلك. واحد قال ان الله فان كان جاهلا او متأولا فهو معزور ولا شيء - 00:27:01

اعليه ويجب تعليمه. فاذا قامت عليه الحجة من القرآن والسنة فخالف ما فيهما عنادا فهو كافر يحكم عليه حكم المرتد. واما من قال

ان الله عز وجل هو فلان لانسان بعينه او ان الله تعالى يحل في جسم من اجسام خلقه - 00:27:21

او ان بعد محمد صلى الله عليه وسلم نبيا غير عيسى ابن مريم. طبعا عيسى عليه السلام ينزل اخر السمان ليس بوحى يعني لا ينزل

برسالة ولا بواحد عندما ينزل يتبع هذه الامة يتبع هذه الامة ويقول اه لما ينزل - 00:27:41

قد اقيمت الصلاة فيقدم المهدي للصلاة ويقول تكرمة لهذه الامة بعضكم ائمة لبعض. فهو ينزل يكسر الصليب ويقتل خنزير الجزية ولا

ينزل بشريعة جديدة ولا بواحد هو عيسى عليه السلام رسول الله. لكنه ينزل متبع للنبي صلى الله عليه وسلم. ويحكم بايه؟ بالاسلام -

00:28:01

طيب بيقول فانه لا يختلف اثنان في تكفيره اللي يقول لواحد ده ايه الله بعينه لصحة قيام الحجة بكل هذا على كل احد ولو امكن ان

احد ان ان يوجد احد يدين بهذا لم يبلغه قط خلافة لما وجب تكفيره حتى تقوم الحجة - 00:28:23

عليه. ودي من ابعد المسائل في التصور اللي زكرها آآ ابن حزم. وقال رحمه الله وقال قائلهم اي المخالفين له في مسائل التكفير. هنا

هيرد على شبهة كبيرة جدا بيقولها الناس اللي ما بيعزروش بالجهل. نفس الكلام بالزبط. بيقول فان - 00:28:43

قال قائلهم اي المخالفين له في مسألة التكفير. فاذا عززتم المجتهدين اذا اخطأوا فاعزروا اليهود والنصارى والمجوس وسائر الملل

فانهم ايضا مجتهدون قاصدون الخير. فجوابنا وبالله تعالى التوفيق. الكلام بتاعته جاي مهم جدا جدا - 00:29:03

انا لم نعز من عزرنا بارائنا. ولا كفرنا من كفرنا بظننا وهو انا. وهذه خطة لم يؤتها الله تعالى احدا دونه. اللي احنا قلناها في اول

الكتاب خالص وبنكرها تاني ان التكفير حكم شرعي - 00:29:23

ان التكفير حق الله. وضربنا مسال على كده. قلنا لو واحد انكر ان اثنين في اثنين باربعة. قلنا له اثنين في اثنين بكم؟ قال بتمانية. انا

كده ما فيش حاجة اسمها رقم اربعة اصلا. ها؟ هتعمل فيه ايه؟ اهو ده بينكر امر متفق عليه بين العقلاء - 00:29:43

خلاص نصلي في مسجد في اسكندرية وفي راجل واقف معه مشكلة كده ان ما فيش حاجة اسمها سبعين فعلا الناس لها احوال

عجيبة بصراحة في المسجد. طب اه ما فيش حاجة اسمها يعني ينكر ان في حاجة اسمها سبعين. رقم سبعين يعني - 00:30:03

طب يا عم انت دلوقتي اما بتعد كده. هتعد تقول سبعة وستين تمانية وستين تسعة ايه؟ ايه بقى يوم ازح بقى اول واحد المهم ايه آآ

وعمال يتكلم هو واضح انه ممكن يكون تعبان شوية او حاجة زي كده بس فكرة انت هتقابل ناس في حياتك - 00:30:23

غريبة فعلا يعني المسال بتاعي ان حد يقول لك اتنين في اتنين مش باربعة ديت ماشي. هل ينفع بقى الشاهد اللي انا عايز اوصل له؟
لو قلنا اتنين في اتنين مش باربعة واحد بيقول لك اتنين في اتنين بتمانبة وبيخالف اهو - [00:30:41](#)

هل هنكفره؟ واحد يقول لك ما فيش حاجة اسمها عنصر الذهب. ما فيش حاجة اسمها عنصر الالماظ مسلا. ما فيش حاجة اسمها ما
فيش حاجة اسمها ما فيش اي هينكر اي حاجة - [00:30:51](#)

هتقول له انت كافر؟ لا. ليه؟ لان التكفير ده حكم شرعي. حق الله. عشان كده ابن حزم بيقول هنا احنا لم من عزرنا براء على فكرة
احنا ما عزرناش الناس دي بالجهل عشان احنا حابين كده. ده هي الدلة جت قالت ان النبي صلى الله عليه وسلم عزرهم. وان ربنا قال
ان ده - [00:31:01](#)

معزور بس ولا كفرنا من كفرنا بظننا فان هزه خطة لا يؤتيها الله تعالى احدا دوده. ولا اه يدخل الجنة والنار احد. بل الله تعالى يدخلها
من يشاء. فنحن لا نسمي بالايمن الا من سماه الله تعالى به. كل ذلك على لسان رسوله صلى الله - [00:31:21](#)

وسلم ولا يختلف اثنان من اهل الارض لا نقول من المسلمين بل من كل ملة ان رسول الله صلى الله عليه وسلم قطع بالكفر على اهل
كل ملة غير ملة الاسلام. الذي تبرأ اهله من كل ملة. حاشا يعني غير التي اتاهم بها عليه الصلاة والسلام - [00:31:41](#)

فقط. فوقفنا عند ذلك. عشان كده قلنا ان اليهود والنصارى كفار. لان ده امر اتى به النبي عليه الصلاة والسلام. ولا يختلف اثنان ايضا
في انه عليه الصلاة والسلام قطع باسم الايمان على كل من اتبعه وصدق بكل ما جاء به. وتبرأ من كل دين سوى ذلك. فوقفنا عند ذلك
ولا مزيد - [00:32:01](#)

فمن جاء نص في اخراجه عن الاسلام بعد حصول اسم الاسلام له اخرجناه منه. اجمع على خروجه اولوي يجمع. وكذلك من اجمع اهل
الاسلام على خروجه من الاسلام فواجب اتباع الاجماع في ذلك. قال الشيخ محمد بن عبد الوهاب في كشف الشبهات. وكلام محمد
عبد الوهاب مهم - [00:32:21](#)

لان ده للأسف وقع انحراف كبير حقيقي مش وهمي انحراف كبير وحقيقي. في آآ من اتى من علماء الدعوة النجدية بعد الشيخ محمد
عبد الوهاب فطائفة منهم وفرع منهم فعلا كان عندهم غلو شديد وعدم عزز بالجهل. وهيترتب - [00:32:41](#)

لعدم العزز بالجهل غلو في الايه؟ في مسألة الدماء. زي ما اتفقنا قبل كده. هو الاتنين هيجيبوا بعض. عشان كده بنرجعهم لكلام الشيخ
محمد ابو ايهاب نفسه رحمه الله. قال الشيخ محمد عبد الوهاب في كتاب كشف - [00:33:01](#)

تعليقا على حديث زاتي انواع وحديسة انماط ضلو وحديس ابي واقض الليثي اللي فيه ان ان هم بعد فتح مكة وهم رايجين غزوة
حنين ان حدساء عهد الكفر معهم ناس كثير من اهل مكة لسة مسلمين بقى لهم ايام. مروا بشجرة سدر شجرة - [00:33:11](#)

عزيمة يعني يقال لها ذات انواع كان الكفار لما رايجين اي غزو او معركة يعلقوا اسلحتهم هناك تبركا بيها وينسبوا ليها الايه النفع
والضر الصحابة قالوا للنبي عليه الصلاة والسلام يا رسول الله اجعل لنا ذات انواع - [00:33:31](#)

كان لهم ذات انواع. مين اللي قال الكلام ده؟ الناس لهم حدساء العهد الكفر. كما قال ابو بكر الليث. فالنبي عليه الصلاة والسلام قال لهم
الله اكبر. الله اكبر انها سنن. قلتم كما قالت بنو اسرائيل لموسى اجعل لنا الها كما لهم الهة. قال انكم قوم تجهلون - [00:33:51](#)

يبقى النبي صلى الله عليه وسلم سمى فعلهم ده كأنهم بيقولوا ايه؟ اجعل لنا اله اجعل لنا اله نية حكمها ايه؟ كفر وشرك اكبر. قال لا
تتبعن سنن من كان قبلكم حذو القذة بالقذة وحتى ولو دخلوا جحر ضب لدخلتموه. قالوا يوضع قال فمن؟ صلى الله عليه وسلم -
[00:34:11](#)

فالنبي صلى الله عليه وسلم ما كفرش الناس دول ليه؟ هم طلبوا منه كفر اهو الفعل ده كفر. ليه ما كفرهمش؟ حدساء عهد بايه؟
بالاسلام. او حدس عهد كفر اتنين واحد على فكرة. وحدس عدل بالكفر. يعني لسه - [00:34:31](#)

فالنبي صلى الله عليه وسلم ما كفرهمش ما قلهمش جددوا اسلامكم تاني. اشهدوا الشهادتين من تاني. ما قالوش كده ارتديتم. ليه
بجهلهم. الشيخ محمد عبد الوهاب رحمه الله بقى في كشف شوية بيقول على بيقول على الحديث ده بيقول ايه بقى؟ بيقول وهزه
القصة تفيد ان المسلم - [00:34:46](#)

العالم يقع فيه انواع من الشرك لا يدري عنها. فتفيد التعلم والتحرز ومعرفة كزلك بالفوائد معرفة فقول الجاهل التوحيد فهمناه من اكبر الجهل ومكايد الشيطان. وتفيد ايضا ان المسلم المجتهد ازا - [00:35:06](#)
تكلم بكلام كفر وهو لا يدري فنبه على ذلك وتاب من ساعته انه لا يكفر. كما فعل بنو اسرائيل. والذين سألوا النبي صلى الله عليه وسلم يبقى بيقول ان دولت قالوا كلام كفر وبيتقالوا كلام ايه؟ كفر. لما نبهوا انتبهوا. وتفيد ايضا انه لو لم يكفر حتى لو ما كفرنا هوش -

[00:35:27](#)

فانه يغلف عليه الكلام تغليظا شديدا. كما فعل النبي صلى الله عليه وسلم الله اكبر الله اكبر انها السنن قلتكم كما قالت بنو اسرائيل في موسى اجعل لنا الهكا منهم. الهالال تتبعون سنن من كان قبلكم. انتهى. بيقولوا هذا الاخير هو معنى قوله على هذا الباب في كتاب

التوحيد في المسألة السابعة - [00:35:52](#)

ان النبي صلى الله عليه وسلم لم يعذرهم. يعني ايه لم يعذرهم؟ يعني لم يترك التغليظ عليهم. بل رد عليهم بقوله الله اكبر الله اكبر انها السنن لتركن سنن من كان قبلكم. فغلز الامر بهذه السلاسة. اللي هي ايه - [00:36:12](#)

الله اكبر. اللي بتقال استعزاما للامر. اتنين انها السنن يعني ان آ دي سنن ربنا الكونية وبعدين لتركن سنن من كان قبلكم الثالثة. وليس المقصود عدم العزر في تكفيرهم. والظاهر قول المصنف في كشف - [00:36:32](#)

الشبهات انه يجعل المسألة من الشرك الاكبر. بدليل انه قال ايه؟ ان من قال كلام كفر تكلم بكلام كفر فنبه عليه سم ثم تنبه من ساعات انه لا يكفر وهم لم يكفروا لانهم جهال وحدهاء عهد بالشرك وهذا الذي رجحه الشيخ حامد الفقيه. في التعليق على - [00:36:52](#)

فتحي المجيد وهو الصحيح الظاهر حتى ولو كان طلبا من غير فعل. لان طلب الكفر والعزم عليه في المستقبل ايه؟ كفر. ولو لم افعله. يعني لو واحد قال انا هات عن نفسه انه هيكفر كمان ثلاث تيام. يبقى هو كفر. ارتد. يبقى طلب الكفر والعزم عليه في المستقبل ايه؟

كفر. ولو لم يفعله - [00:37:12](#)

وان كان فعله اشد. ولقد حلف النبي صلى الله عليه وسلم على مساواة هذا القول. بقول من قال اجعل لنا الها ولا شك ان هذا القول كفر اكبر. وهذا النقل الصريح من كشف الشبهات يوضح لك مذهب الشيخ في مسألة - [00:37:32](#)

في العذر بالجهل وهو عدم التكفير ازا كان الشخص مسله يجهل ذلك. حتى في مسائل التوحيد الكبار. مسائل التوحيد اللي هي الظاهرة يعني. خلافا لمن يتوهم خلاف ذلك وقد صلى الرحفير سائله وابناؤه يعني وصرح ابناؤه من بعده بذلك. حيس يقول في

احدى رسائله. آ الرسالة ديت موجودة - [00:37:52](#)

في مطبوعة في مؤلفات الشيخ محمد بن الطبعة بتاعة مؤلفات الشيخ محمد بن عبد الوهاب. بيقول واذا كنا لا نكفر من عبد صنم الذي على قبر البدوي من العوام لاجل جهلهم وعدم من ينههم فكيف نكفر - [00:38:18](#)

من لم يكفر اي من لم يكفر الناس اللي احنا مختلفين معهم ولم يقاتل سبحانه هذا بهتان عظيم. يبقى كان الرسالة ديت بيرد فيها على الناس اللي بتشوه سمعتها. طبعا الشيخ محمد عبد الوهاب رحمه الله او الدعوة الوهابية فيه تلتمية واربعين مؤلف - [00:38:38](#)

يهاجمونها يعني عايزك تقول بقى كم التشويه اللي نزل والدعوة دي قد ايه؟ دعوة تم تشويه غير عادي هائل بصراحة. آ بيقول وقال رحمه الله المسألة السالسة تكفير من بان له ان التوحيد هو دين الله ورسوله. ثم صلى الله عليه وسلم. ثم ابغضه اي ابغض هذا الدين -

[00:38:58](#)

ونفر الناس عنه وجاهد من صدق الرسول فيه. من صدق الرسول فيه. ومن عرف الشرك وان رسول الله صلى الله عليه وسلم بعث بانكاره واقر بزللك ليلا ونهارا سم مدحه وحسنه للناس. وزعم ان اهله لا يخطئون لانهم السواد الاعزم. واما ما - [00:39:18](#)

ذكر الاعداء عني اني اكفر بالظن يعني مش بالهوا كده بدون تحري وبالموالة يعني اللي ما يوالنيش بكفره او اكفر الجاهل الذي لم تقم عليه الحجة فهذا بهتان عظيم يريدون به تنفير الناس عن دين الله - [00:39:41](#)

صلى الله عليه وسلم. ده في الرسائل الشخصية للشيخ محمد عبد الوهاب. مطبوع ضمن مؤلفات مجموع مؤلفات الشيخ في الجزء السادس. وقال رحمه الله واما التكفير فانا اكفر من عرف دين الرسول صلى الله عليه وسلم. سم بعدما عرفه سبه. ونهى - [00:40:01](#)

الناس عنه من فعله وعاد من فعله. فهذا الذي اكفره واكثر الامة ولله الحمد ليسوا كذلك ، لان من ضمن الاتهامات اللي بيتهموها عليه يقولوا ايه ؟ ده هو بيقول ان الامة بقى لها قرون كلها مشركين، ده ما حصلش. افتراءات على محمد - [00:40:21](#)

رحمه الله. وقال رحمه الله وانما تكفر من اشرك بالله في الهيته. بعد ما نبين له الحجة على بطلان ويقول حفيده الشيخ عبداللطيف ابن عبدالرحمن والشيخ محمد رحمه الله من اعظم الناس توقفا واحكاما عن اطلاق الكفر - [00:40:41](#)

حتى انه لم يجزم بتكفيره الجاهل الذي يدعو غير الله من اهل القبور او غيرهم ازا لم يتيسر له من ينصحه تبلغه الحجة التي يكفر تاركها. وده مأخوذ عن منهج التأسيس والتقديس. منهج التأسيس والتقديس. بص يا مولانا - [00:41:01](#)

سؤال بقى هنا يبقى اللي هيطلع في الدعوة اللي بعد كده زي الشيخ آآ ابو بطين وزي آآ ابن عتيق وغيرهم بقى من اللي فعلا ما بيعزروش بالجهل خالص. وبيقولوا ان كل اللي هيوقع في الشرك ده حكمه الايه؟ الكفر والحجة قائمة على كل احد. هم - [00:41:21](#)

على ايه بقى؟ هم في الاسف عندهم انحرافات في المسألة ديت وهنقول هم بيستنوا على ايه؟ بيقولوا هذا كله موافق لمذهب السلف في هذه المسألة الهامة وده بحمد الله ان ما ينقل عن - [00:41:41](#)

الشيخ محمد بن عبد الوهاب رحمه الله في هذه المسألة آآ نقول فعلا لمن اراد ان يبرئ الشيخ من هذا الامر يبقى ايه؟ يبقى آآ معه يعني نقول واضحة لا يختلف احد في انها تفيد المعنى ده. لكن خيلنا - [00:41:51](#)

نقول ان نقل عن محمد بن عبد الوهاب ايضا نقول مشكلة. نقول فيها اشكال. في انه لا يعذر بالجهل يبقى الواجب ايه؟ الواجب عننا ان احنا نرد كلام الشيخ اللي فيه اشتباه الى كلامه الايه؟ المحكم. اما - [00:42:11](#)

الذين لا يعذرون بالجهل والذين آآ يتعلقون بكلام للشيخ يهملون هذه النصوص البينة الواضحة بل بعضهم يشكك في نسبة هذا الكلام للشيخ. والجمع بين الاكلمين اللي هو للشيخ له كلام في هذه المسألة مشكل شوية. والكلام الثاني ده نؤجله للدرس - [00:42:31](#)

القادم باذن الله عز وجل بحيس ان احنا نستوعب فيه الكلام. لان المسألة ديت من اكثر المسائل الشائكة اللي بنتعرض لها. سبحانك اللهم وبحمدك اشهد ان لا اله الا انت استغفرك واتوب اليك - [00:42:51](#)

- [00:43:04](#)